

Die zal die du oben mit habenn magst / was
 überbleibt addir zu der obern figur / so sie be-
 deutlich ist : was dar auß kumbt setz gleich
 vnder die lini. Darnach nym dz selbig punct
 zu der selbig figur / vnd die figur wirt umb
 1 mehr. Das subtrahir auch wie ich dich ge-
 lernt habe ic. durch ein exempl vernymstu
 dz leichter. Subtrahir 46978 von 64894
 Sprich also / 8 von 4 mag ich nit / darumb
 setz einē punct zu der 7. der selbig punct be-
 deut 10. Sprich 8 von 10 bleibt 2 darzu ad-
 dir die 4 die ob der 8 stehen / wirt 6 darauß /
 die setz vnder die 8. weiter 7 vnd dz punct
 thun 8 / sprich 8 von 9 bleibt 1 / setz 1 vnder
 die lini / nochweiter sprich 9 von 8 mag ich
 nit / zu der 6 mach einē punct / sprich 9 von
 10 bleibt 1 die 8 darzu (die ob der 9 stehen)
 wirdt 9 die setz vnder die 9 / weiter 6 vnd
 der punct ist 7 / sprich 7 von 4 mag ich nit /
 setz einen punct zu der 4 in der vndern zal /
 sprich 7 von 10 bleibt 3 vñ oben 4 ist 7 setz
 vnder die 6. Zumletzten sprich 5 (dz ist 4
 vnd der punct) von 6 bleibt 1. Die sagung
 sichstu hie nach gesetzt

	6	4	8	9	4	
	4	6	9	7	8	
bleibt	1	7	9	1	6	vberig
						3 4

46978 *64894* *10316*